



ZIRLAI 10

SEPTEMBER 8, 2012

ISAACA TÂN NUPUI

CHÂNGVAWN: “LALPA . . . chuan i hnenah A vantirhkoh a tir anga, i zinnaah chuan a hlawhtlintir ngei ang che,” (Genesis 24:40, NIV).

Chhiar Tûr: Genesis 24; *Thlahtubulte leh Zâwlneite*, pp. 183-190.

A Thu Zirtûr: Pathianin mi zawng zawng a chhungkaw zinga tel ve turin a duh.

Thui tak i zin tawh ngai em? Eng engte nge i ken le? Eiturte lamte engtin nge i ngaihtuah? Abraham a chhiahhlawh thui tak zin tura a tirh khan, a mamawh zawng zawng phur turin sanghawngsei 10 lai a ken tir a.

ELIAZARA chu a han tho phawt a. Van chu a la thim mup mai a. Mahse a kal chhuah a hun tawh bawk si. Tih tur pawimawh tak a nei. Thimtham zîng aţangin Abraham a chu a lo lang hlawl a. A chhiahhlawh rinawm tak chu a rawn nuih var var a. “Ka thian duh tak, LALPA chuan i hma hruai turin A vantirhkohte a tir ang a, Isaaka nupui tura Pathianin a thlan ngei chu a va hmuh tir ngei ang che u. Chu mi chu ka lo chhuahna ram mi, ka laichinte zing ami ngei a ni ang,” a ti a. Kan chhehvela mi milembe nula te hi Isaaka kan neih tir tur a ni lo. Kanaan mi hi zawng nei lul suh se,” ati a.

Vaivut khu karah ni tam tak a thang chhung zawng chuan a tihtur chu Eliazara chuan a ngaihtuah nauh nauh va. Abraham lah chuan Pathian vantirhkohvin a hma a hruaisak ang tih a ring nghet bur mai si a. Hriat ngaihloh mi tam tak a hmachhawn dawn a. Engtin tak hmeichhedik tak chu va hmu ang maw? LALPA chuan khawi hmeichhia ber nge a lo thlan ang aw?

A tawpah chuan Eliazara chuan Abraham laichinte chenna khua Nahor chu a va thleng ta hlawl mai a. Khua a thim lek lek tawh a. A zin hah hle tawh a, a tui lah chu a hal viau mai bawk a. A sanghawngseite pawh chu amah ang thova chau leh tuihal chu an ni a.





Eliazara chuan ngaihtuahna fng tak a ngaihtuah chhuak ta phut a! Vanlam hawiin a dak chho va, a tawngtai ta a. “LALPA, ka pu Abrahama Pathian, vawiin hian mi hlawhtlin tir ang che u. Ka pu hnenah i thutiam kha hlen la. Khuain an tlan tuichhunchhuah kianga hi ka awm a. Reiloteah khawchhung nulate tui chawi turin an lo kal mai dawn a. Tu emaw hnenah, ‘I bel kha han ti hniam ula, tui min han intir teh khai,’ ka ti ang a. ‘In rawh khai, i sanghawngseite pawh hi ka han intir nghal a nge,’ a tih chuan, i chhiahhlawh Isaaka tana i mi ruat ngei ni rawh se,” a ti a.

Eliazara a tawngtai zawh hma hma chuan nula pakhat hi a lo lang nghal a. Tui chhunchhuahah chuan rawn kalin, a tuibelte chu a chhung khat a. Eliazara chuan, *hemi hi a ni mai ang em aw?* Tiin a lo ngaihtuah neuh neuh va. Amah tawk turin a va tlan phei a. “Khawngaihini i tui bela mi kha tui mi intir ta che,” tiin a va dil a.

Chu hmeichhia, Rebeki chuan, a koki atang chuan a tuibel chu rang takin a chawi thla a. Eliazara chu a

intir a, ani chuan duh tawkin a han in a. Eliazara tawngtaina thu chiah chiah chu a rawn chhamchhuak ta! “I sanghawngseite tan pawh ka han chawi sak a nge,” a ti a. Rebeki chuan a tuibela tui chu ran tuiinna belah chuan a chhung a. Tichuan tui chhun belh tur chuan tui chhunchhuah lam panin a phei leh ta vat a.

Hlim takin Eliazara chu a lo nui var var a. Pathian chuan a tawngtaina a chhang rang kher mai! Chu nula lah chua a nelawmin a ngilnei hle mai baw si.

Rebeki a lokir leh chuan, Eliazara chuan chu nula hnenah chuan, “khawngaihini i pa hming mi hrilh thei ang em?” a ti a. A pa hming a han hrilh chuan Eliazara chu a thingthi a, Pathian chibai a buk a. “LALPA, Ka pu Abrahama Pathian

chu fakim awm rawh se. Ka pu chung a thutiam chu a rinawm takin vawng tlat si a. LALPA chuan ka pu laichinte hnenah min hruai thleng chat si a!” a ti a. Rebeki chu a haw a, a unaupa Labana hnenah chuan Abrahama chhiahhlawh chanchin chu a va hrilh a. Labana chu rang takin tui chhunchhuah lamah chuan a tlan phei a, Eliazara chu a ina thlengah a va sawm a. Abrahaman tih tur a tuk chungchante chu a hrilh ve hlawm a. A tawngtaina leh Pathianin chawp leh chilha a chhan dan te pawh a hrilh baw si. Rebeki chuan Abrahama sawmna chu a pawm thei ang em?

Rebeki chuan Eliazara thusawi chu ngun takin a ngaihthla khiau va. Pathianin an chung zinga Eliazara a rawn hruai thlen zia te chu a hria a. Heng zawng zawng hian Pathianin a kai hruai tih a ring ta a. Tichuan Eliazara zui haw chu a remti ta a. Tichuan a chhungte leh a chen thinna ram chu a chhuahsan ang a. Isaaka nupui a ni dawn ta a nih chu.

TIHTURTE

Sabbath

- A remchan chuan, vawiin chawhnu chu Pathianfa dangte nen hun hmangho teh u. In zirlaia thawnthute leh, Abrahamate chhung kha hla takah awm mahse an inhneihzia te sawiho rawh u.
- In tawngtai hmain 'Pathian chhungkua' tih sa ula, chuan a chhung dangte avangin lawmthu sawi ang che u.

Sunday

- *Genesis 24:1-10* hi In chhûngte nen chhiarin sawiho teh u. Engvangin nge Abraham a khan Isaaka kha an chhehvel hmeichhiate kha neih a phal loh? Sanghawngsei engzat nge Eliazera khan a ken? Engvang nge?
- Sanghawngsei lem ziak ula, tah chuan changvawn ziak rawh u. Nî tin a in hmuhtheihna hmunah dah ula, chuan in chângvawn kha in chhûngte in zirtir ve dawn nia.
- Sanghawngsei chanchin panga hriat han tum ula, chuan in chhûngte chhung inkhawmnaah hrilh ve rawh u.
- Zin veivakte Pathian awmpuina dilsak ang che u.

Thawhtannî

- *Genesis 24:11-27* hi vawiin chhung inkhawm atan chhiarin sawiho teh u. Eliazera tawngtaina kha sawifiah teh. Engnge arahchhuah? In chhûngte kha Pathianin an tawngtaina a chhanlai sawitir ula, chuan, in tawngtaina a ngaihthla a, a chhan thin che u avangin lawmthu sawi rawh u.
- Nikhat ah sabengtung hian tui gallon nga an in thin a, Eliazera han sabengtung sawm a nei a, Rebeki khan tui chhunchhuah atang khan tui wavi engzat nge ni khatah, a khai chhuah ngai ang? Tui gallon leng dah khat teh. Rebeki khan tui a thalsak khan engtin nge a awm a in rin?

Thawlehnî

- *Genesis 24:28-40* hi In chhûng inkhawm laiin chhiarin sawiho teh u. Rebeki kha engang mi nge? Vawiin hian engkawngin nge amah ang in nih theih ang?
- In tihhlim nan, lehkha khawng emaw bawm hlui hmangin tui chhunchhuah siam teh. Tunlaih khawi atangin nge tui in neih? Rebeki hunlai nen khan engnge a danglamna?
- Pathian fakna hla sa ula, chuan nunna tui min petu Pathian hnenah lawmthu sawi rawh u.

Nilainî

- In chhûngte nen, *Genesis 24:41-58* hi chhiarin sawiho teh u. Eliazera khan Rebeki hnenah engnge apek? Rebeki kha khua danga awmtur leh hmelhriat loh pasal neitura, a kal khan engtin nge awm a in rin? Engvangin nge thuawih taka a aw ve chhan?
- A remchan chuan, ram dangmi tu emaw be the u. An ramah miten engtin nge Pathian an biak dan zawt rawh u.
- Khawvela zalen taka Pathian be ve thei lote tan tawngtaisak ang che u.

Ninganî

- *Marka 3:33-35* hi In chhûng inkhawm laiin chhiarho teh u. Tute nge Isua chhungkuaah tel?
- Darthlalang, in chhungkua lantheihna keng ula. 'Pathian chhungkua' zingah mi ka ni tih sawitir ula, chuan a awmzia in sawiho dawn nia. Isua chhung zinga mi kan ni tih hla sa ula, chuan an zinga mi in nih avangin lawmthu sawi rawh u.
- Sabengtung hi nikhatah mel 100, darkar khatah mel 10 in a tlan thei a. Mel 100 tlan turin darkar engzat nge an mamawh ang? Nangni chutiang tlan tur chuan ni engzat nge in mamawh ang?

Zirtâwpnî

- *Genesis 24:10-26* hi In chhûng inkhawm laiin chhiar nawn leh teh u. A thawnthu chang chhuakho baw ang che u.
- Rebeki leh Isaka kha an la inhmu ngai lo a. Hla takah an awm ve ve a. In chhungte hmun hla taka awm han sawi ula, an tan tawngtai sak theuh rawh u.
- Card mi tu emaw hnenah Pathian chhungkuaah an tel ve avanga in lawmzia hrilh nan thawn ula.

PUZZLE

ISAACA TÂN NUPUI

KÀWHHMÙHNA: A hnuaia nùlá zînga pakhat chu a danglam bîk deuh a, chû chu Isaaka nùpui tûr atân Eliezara'n a thlàn thiam thèih nân han tanpui dâwn teh. A khawi ber chu nge ni dâwn?

